

ղաքական ճակատագիրն միացած է եղել Հայաստանի ճակատագրի հետ, իշխանութիւնն՝ իշխանութեան հետ, նախարարութիւնն՝ նախարարութեան հետ, թագաւորութիւնն՝ թագաւորութեան հետ, փառքն՝ փառաց հետ և անկումն՝ անկման հետ:

«Հայաստանի առաջին լուսաւորութեան հետ Քրիստոնէական լուսաւորութիւնն ողջունում է Աղուանից մայրաքաղաքն Չոլայ՝ Յդիշ Առաքեալի քարոզութեամբ: Սոյն Առաքեալն քարոզելով հասնում է Աղուանից Ղաթալա գաւառն, մտնում և քարոզում Սահառ¹⁾ քաղաքում: Յետոյ գնում է Նուխու մօտ եղած Գիս գիւղաւանն, լուսաւորում ժողովուրդը ճշմարիտ Աստուածապաշտութեան լուսով, կառուցանում առաջին եկեղեցին և մատուցանում պատարագ: Ապա սերմանելով Աստուծոյ խօսքերը և աշակերտելով շատերը անցնում է Չարզունի դաշտակով և նահատակւում Հոմէնք կոչուած գիւղամով զոհարանում (Մով. Կաղ. եր. 8-9):

Հայաստանի երկրորդ և ընդհանուր լուսաւորութեան հետ՝ Քրիստոնէական ընդհանուր լուսաւորութիւնն ծաւալում է և Աղուանից երկրում Ս. Գրիգոր Լուսաւորիչ առաքելասարաս Հայրապետի ձեռով, որպէս երկնառաք հրեշտակի ձեռով. ամենուրեք ծաւալում է Քրիստոնէութիւնն, շինւում են եկեղեցիներ և կարգւում հոգեւոր պաշտօնեաներ: Կուստուններն կամ բազիններն փոխւում են տաճարների, քրմութիւնն՝ Քահանայութեան, զոհադրժութիւնն՝ պատարագի և սնտոխապաշտութիւնն՝ Աստուածապաշտութեան: Վերջապէս Աղուանից երկրի բնիկ (Գարգարացւոց, Գարդմանցւոց, Ծովզէացւոց և Ուտիացւոց) և եկամուտ ազգերն՝ Կասպից, Լփանց, Ճղբաց, Մաղբթաց և եռանկիւնու մէջ բնակող ցեղերն — ձուլւում և միանում են Հայաստանեայց Առաքելական և սուրբ եկեղեցու հետ Քրիստոնէական կրօնով, դաւանութեամբ և եկեղեցւով²⁾: Հայաստանի զրականական և մատենագրական լուսաւորութեան հետ՝ զրակա-

¹⁾ Փարիզում տպուածում՝ Սահառ, իսկ Մոսկուայում տպ. Սահառ:

²⁾ Որք էին ամենեւեան հաւատացեալք ի մի Պաթուղիկէ Առաքելական եկեղեցի (Յդիշ. եր. 15. 32-33, 93 և 246-247):